

НЕДЕЛЯ СВЯТЫХ ПРАОТЕЦ.

**На Господи возвах, стихиры воскресны 3,
и анатолиевы 3, и праотцев на 4, глас 8.**

Подобен: Иже во Едеме:

Праотцев днесь вернии совершающе память, / воспоим Христа Избавителя, / возвеличившаго их во всех языцех, / и чудес преславная верно совершившаго Господа, / яко державна и сильна, / и от них показавша жезл силы нам Едину Неискусомужную, / и Богоотроковицу Марию Чистую, / из Неяже Цвет пройде Христос, / израстивый всем жизнь, и неизживаемую пищу, / и спасение вечное.

Иже святыя отроки из огня избавивый Владыко, / и от уст львовых Даниила, благословивый Авраама, / и Исаака раба Твоего, и сего сына Иакова, / благоволивый от семени их быти по нам: / да прежде поползнувшисья спасеши праотцы наша крестом Твоим и воскресением, / и расторгнув смертныя узы, / совозставиши вся яже от века сущыя из мертвых, / поклоняющыяся Тебе Христе Царю веков.

Якоже в хладе посреде пламене, / росю Духа радующеся отроцы Божии хожду, / таимнственно в нем прообразивше Троицу, / и воплощение Христово, / и яко мудрии верю угасиша силу огненную: / и Даниил же праведный львов явися обуздатель: / ихже молитвами умолен быв, / Человеколюбче Спасе, / и нас негасимаго и вечнаго избави огня, / и сподоби ны Царствия Твоего Господи.

Якоже в росе суще вернии и святии отроцы Твои, / в печи пламене огненнаго предживописаху таинственно, / еже из Девы Твое пришествие, / неопально восиявшее нам, / и Даниил же праведный и во пророцех чудный, / ясно Божественное второе Твое пришествие проявляя, / видех, дондеже престолы поставишася, / глаголет и судия седе, / и огненная потече река: / еяже да избавимся Христе молитвами их, Владыко.

Слава, глас 6:

Иже прежде закона отцы / вся восхвалим днесь вернии, / Авраама боголюбиваго, / и Исаака от обещания рожденнаго, / и Иакова и дванадесять патриархи, / Давида кротчайшаго / и Даниила желаний пророка, / и три отроки с ними славяще, / печь в росу преложившыя, / просяще оставления от Христа Бога, / прославляемаго во святых Своих.

И ныне, Богородичен догматик гласа.

На литии, стихира храма. Слава, глас 1:

Лучами облиставшеся Богоглаголения, / великоименитии праотцы присно блажата: / и речения Духа плодствующе, / несказанное Рождество Христа Бога / всем проповедаша: / законную же кончину совершиша, / поживше жизнь пречудную.

И ныне, Богородичен:

Се исполнися Исаиино проречение, / Дева бо родила еси, / и по Рождестве яко прежде Рождества пребыла еси: / Бог бо бе Рождейся, / темже и естества новопресече. / Но о Богомати! / Моления Твоих рабов, / в Твоем храме приносимая Тебе не презри: / но яко Благоутробнаго Твоима руками носящи, / на Твоя рабы умилосердися, / и моли спастися душам нашим.

Стиховна воскресна. Слава, глас 3:

Праотцев собор, празднлюбцы приидите, / псаломски да восхвалим, Адама праотца, / Еноха, Ноя, Мелхиседека, Авраама, / Исаака и Иакова: / по законе Моисея и Аарона, Иисуса, / Самуила и Давида, / с нимиже Исаию, Иеремию, Иезекииля, / и Даниила и дванадесять, / купно Илию, Елиссея, и вся: / Захарию, и Крестителя, / и проповедавшыя Христа, / жизнь и Воскресение рода нашего.

И ныне, Богородичен:

Без семене от Божественнаго Духа, / волею же Отчею зачала еси Сына Божия, / от Отца без матере прежде век суща: / нас же ради, из Тебе без отца бывша, / плотию родила еси, / и Младенца млекою питала еси. / Темже не престай молити, / избавитися от вед душам нашим.

Тропарь: Богородице Дево: [Дважды]

Таже праотец, глас 2:

Верою праотцы оправдал еси, / от язык теми предобручивый Церковь: / хвалятся во славе святии, / яко от семене их есть Плод благославлен, / без семене Рождшая Тя, / тех молитвами Христе Боже, / помилуй нас.

НА УТРЕНИ

На Бог Господь, тропарь воскресен, дважды:

Слава, и ныне, праотцев.

По обоих кафисмах седальны во Октоихе, и чтение.

Таже полиелей, и тропари: Ангельский собор, и ипакои гласа:

Праотцев седален. Глас 8:

Подобен: Премудрости:

Авраама, Исаака же и Иакова / восхвалим вси песенно: / Давида кроткаго, Иисуса, и дванадесять патриархи, / купно с тремя юношами, / угасившими огненный пламень / силою духовною: / радуйтесь, вопиюще к ним, / прелесть доблественне обличивше царя безумнаго, / и Христу молитесь, согрешений оставление / даровати празднующим любовию святую память вашу. [Дважды.]

Слава, и ныне, Богородичен:

Благодарственное похваление должно, / якоже вдовица оная два лепта, / приношу Тебе, Владычице, / о всех дарованиих Твоих: / Ты бо явилася еси Покров купно и Помощь, / напастей и скорбей присно мя изимающи. / Темже яко от среды горящая печи избавлься оскорбляющих мя, / от сердца взываю Тебе: / Богородице, помози ми, молящи Христа Бога, / согрешений оставление дати мне, / Тя бо имею надежду раб Твой.

Каноны три: Воскресен со ирмосом на 4: И святых триех отроков на 4: И праотцев на 6.

Канон святых триех отроков,

[егоже краестрочие: Три отроки пою, и Даниила великаго.]

Творение Феофаново. Глас 8.

Песнь 1.

Ирмос: Воду прошел яко сушу, / и египетскаго зла избежав, / израильтянин вопиаше: / Избавителю и Богу нашему поим.

Безначальное Слово из Отца, прежде всех веков Рожденное Боголепно, в печи юношам образно видено бывши прославим.

Глаголы мучителя злочестиваго, благороднии отроцы оплевавше терпеливно, снедьми беззаконных осквернитися халдейски не восхотеша.

Питаестесь убо словом душевне, снедьми же саморасленными плотски, паче питающихся дебелыми снедьми, царю краснейши лица явистесь.

Богородичен: Яд змиин в слухи горько излившийся Евины, яже из Давида возрастшая Отроковице исцеляеши, Избавителя рождши.

Канон святых праотцев,

[егоже краестрочие: Отцем хвалу в лепоту ныне приношаю.]

Творение Иосифово. Глас 1.

Песнь 1.

Ирмос: Христос раждается, славите. / Христос с Небес, срящите. / Христос на земли, / возноситеся. / пойте Господеви вся земля, / и веселием воспойте, людие, / яко прославися.

Отцем пение принесем, прежде закона и в законе возсиявшим, и из Девы Возсиявшему Господу и Владыце волею правою угодившим, и незаходимаго просвещения ныне наслаждающимся.

Адама перваго почтим, рукою почтеннаго Зиждителя, и всех нас праотца уже бывшаго, и в скиниях Небесных со всеми избранными почивающа.

Авеля дары принесшаго душею благороднейшею, прият всех Бог и Господь: сего же паки скверноубийственную рукою умерщвлена, принесе к свету, яко Божественна мученика.

Богородичен: Рачение Божественных услышим вопиющих Христово явление: се бо в вертепе раждается из Отроковицы Неискусомужныя, Егоже страшное Рождество провозвещает звездословцем звезда явльшаяся.

Катавасия: Христос раждается, славите. / Христос с Небес, срящите. / Христос на земли, / возноситеся. / пойте Господеви вся земля, / и веселием воспойте, людие, / яко прославися.

Песнь 3.

Ирмос: Ты еси утверждение притекающих к Тебе, Господи, / Ты еси Свет омраченных, / и поет Тя дух мой.

Разум стяжавше богонаученный, Владыко, отроцы Давидовы, законы отеческия богомудренно соблюдоша.

Огнь не опали чистейшая телеса благочестивых, постом бо душепитательным напаяхуся.

Хвалу всемирную и многопетую поют отроцы трие, посреде печи чудно орошаеми.

Богородичен: Да Рождество, Владыко, из Девствующаго телесе покажеши нам, спасаеши в печи девствующая телеса.

Ин.

Ирмос: Прежде век от Отца Рожденному нетленно Сыну, / и в последняя от Девы Воплощенному безсеменно / Христу Богу возопиим: / вознесый рог наш, / свят еси, Господи.

Поется в міре Сифово к Зиждителю разжжение: ибо в непорочнем жительстве и душевней любви, Тому истинно угоди: и ныне во стране живых вопиет: свят еси, Господи.

Усты и языком и сердцем Енос чудный, призвати богомудренно Владыку всех и Бога, надеяшеся в Дусе: и благоугодно пожив на земли, славу восприят.

Священнословию священными Еноха ублажим, благоугодив бо Господу преставися в славе, явився лучши смерти, якоже писася: имже Божий быв раб искреннейший.

Богородичен: Ныне чаяние языков от Девы предгрядет, и Вифлеем заключенный отверзает светло Едема, Слово Воплощаемое приемля, и в яслех плотию Возлегшаго.

Катавасия: Прежде век от Отца Рожденному нетленно Сыну, / и в последняя от Девы Воплощенному безсеменно / Христу Богу возопиим: / вознесый рог наш, / свят еси, Господи.

Ипакои, глас 2:

В росу детем огонь прелажашеся, плачь в радость женам пременяшеся, ангел бо во обоих служаше чудесех: овым убо во упокоение претворивый пещь, сим же Воскресение возвестивый тридневное, Начальниче жизни наша, Господи, слава Тебе. **[Единожды]**

Песнь 4.

Ирмос: Услышах, Господи, смотрения твоего таинство, / разумех дела Твоя, / и прославих Твое Божество.

Даниил мудрейший, Божественне умом просвещаемь, сония разреши самодержцев, Божественною благодатию.

Облистает чудесы еже в печи отроков страдание, мучителя бо уловиша к познанию Твоему, Всесильне.

Согласия органы, и мусикии песни вселичныя, доблественных не привлекоша, и златому образу не подклониша.

Богородичен: Песньми, всепетая, иже в Вавилоне дети почитают Сына Твоего Пребожественнаго, Егоже в печи познаша.

Ин.

Ирмос: Жезл из корене Иессеова, и цвет от него, Христе, / от Девы прозябл еси, из горы хвальный приосененная чащи, / пришел еси воплощся, / от Неискусомужных, / Невещественный Боже: / слава силе Твоей, Господи.

Хвалу принесем Богу, чтуще песньми Ноя, воистинну суща праведнаго: во всех бо заповедех Божественных украшаемъ явися, Христу благоугодив. Емуже песнопоем вернии: слава силе Твоей, Господи.

Видев твое Бог благородное нрава, и простое, и по всему Ноя совершенна, втораго міра яве началовождя тя показывает, спасшаго тому всякаго рода, от потопа чувственнаго семя, якоже Сам повеле.

Ноя сохраняшаго Божий закон невредимъ, и обретшася тогда праведна в роде своем, и деревяным спасша древле ковчегом безсловесных роды, повелением Вседетельным, песньми благочестно ублажим.

Вино умиления нам точит чтущим тя, Ное блаженне, память твоя, веселящее и души и сердца всегда, чисте блажащих нравы твоя честныя, и жительство Божественное.

Богородичен: **Н**ыне Избавление наше в яслех возлегает, и пеленами повивается якоже Младенец, и волсви восточнии царие приходят, сего яко Бога и Царя Рождшагося от Чистыя, видети и поклонитися с дары верно.

Катавасия: **Ж**езл из корене Иессеова, и цвет от него, Христе, / от Девы прозябл еси, из горы хвальный приосененныя чащи, / пришел еси воплощся, / от Неискусомужныя, / Невещественный Боже: / слава силе Твоей, Господи.

Песнь 5.

Ирмос: **Н**аучившеся закону, Спасе, / не отвергошася твои угодницы, / Даниил великий с трети юношами Богомудрыми: / но крепость приемше от Тебе Благодетеля, / мучителей мужески победиша.

Мысленно научашеся Даниил, Человеколюбче, Твоим тайнам: на облаце бо яко Сына Тя человека грядуща, языков всех яко Судию и Царя, зряше ума чистотою.

Украсися, о дети, паче камене сапфира ваше совокупление, яко заря золотая благочестия ревностно распальшеся, ходяще радостно в печи, и собирающе ликование всемірное.

Богородичен: Даниил Тя, Дево, гору прописа яве божественный, трие же отроцы видевше пламень орошающъ, Твое Божественное Рождество песнопесенно восхваляют, яко Спаса и Зиждителя, и Господа.

Ин.

Ирмос: **Б**ог съй міра, Отец щедрот, / великаго совета Твоего Ангела, / мир подавающа, послал еси нам: / тем богоразумия к свету наставльшеся, / от нощи утренююще, славословим Тя, / Человеколюбче.

Хвалами Божественными да почтится сим, отеческое благословение приплодив: и пред Богом благоугоден явлься к праотеческим ликом причтешся, и во стране живых радостно почивает.

Видети сподобися яко друг Божий, Авраам день Зиждителя своего, и исполнь бывает радости духовныя: сего убо ума правостию чтуще ублажим вси, яко Христова божественна праотца.

Видал еси якоже есть мощно человеку видети Троицу, и Тую угостил еси яко друг присный, преблаженне Аврааме: темже мзду приял еси страннаго гощения, еже быти тебе безчисленных языков отцу верою.

Богородичен: **Полный** истощается плотию нас ради, и начало Безначальный приемлет: обнищает же Богатый, и Слово сый Бог, во яслех безсловесных возлежит яко Младенец, воззвание всех сущих от века соделовая.

Катавасия: **Бог сый** міра, Отец щедрот, / великаго совета Твоего Ангела, / мир подавающа, послал еси нам: / тем богоразумия к свету наставльшеся, / от нощи утренююще, славословим Тя, / Человеколюбче.

Песнь 6.

Ирмос: **Обладавше** душевными страстьми силою слова, / страны язык халдейских властели бысте: / весть бо добродетель / честь даровати стяжавшим ю, / о Давидовы мудрии внуцы!

В мертвость Даниил живоносную одеявся древле, яко бога халдеем злочестивно мнимаго, убивает снедию змия злейшаго: священники же злочестивыя мудре убил есть.

Богородичен: **Милостива** ми Судию Сына Твоего, Богородице Дево, Твоими молитвами быти в день суда, Избавителя же лютых, Мати умоли: на Тя бо едину надежду мою возлагаю.

Ин.

Ирмос: **Из** утробы Иону младенца изbleва / морской зверь, якова прият: / в Деву же всельшеся Слово, / и плоть приемшее пройде сохраншее Нетленну. / егоже бо не пострада истления, / Рождшую сохрани неврежденну.

Образ Христовы страсти был еси яве, Исааче преблаженне, возводимь отчим благопокорением еже заклатися. Сего ради ублажился еси, и раб Божий воистинну явился еси ближний, со всеми праведными вселяся.

Явися Иаков угодник вернейший всех Бога: темже и брася со ангелом, ум зря Бога наречеся, и спя Божественную лествицу виде, на нейже Бог утверждашеся, плотию обложивыйся за благостыню.

Любя Иосиф ко отцу благопокорение, в ров ввержен, продадеся во образ закланнаго, и в рове положеннаго Христа: пшеницодавец же Египта бысть, целомудр быв и праведен, царь же страстей истиннейший.

Богородичен: **Младо** на земли Отроча познавается, Сый со Отцем присно и Духом, пеленами же повивается, Иже землю повиваяй мглою яве, и в яслех безсловесных возлежит. Сего ныне предпразднуим радующеся безсеменное Рождество.

Катавасия: Из утробы Иону младенца изблева / морской зверь, якова прият: / в Деву же всельшееся Слово, / и плоть приемшее пройде сохраншее Нетленну. / егоже бо не пострада истления, / Рождшую сохрани неврежденну.

Кондак, глас 6.

Рукописанного образа не почетше, но неописанным существом защитившеся, треблаженнии, в подвизе огня прославистесь: среде же пламене нестерпимаго стояще, Бога призвасте: ускори, о Щедрый! и потщися яко Милостив в помощь нашу, яко можеши Хотяй.

Икос:

Прости Твою руку, еуже древле прияша искушение египтяне борюции, и еврее боримии. Не остави нас, да не пожрет нас смерть жаждущая нас, и сатана ненавидяй нас: но приближися нам, и пощади души наша, якоже пощадил еси иногда отроки Твоя сущыя в Вавилоне, непрестанно славящыя Тя, и вверженныя Тебе ради в пещь, и от сея вопиющыя Ти: ускори Щедрый, и потщися яко Милостив на помощь нашу, яко можеши Хотяй.

Песнь 7.

Ирмос: Глас боголюбезен пояшесь из среды огня Вседержителю: / Азария бо божественный лик составив, / песнь воспевая глаголаше: / благословен Бог отец наших.

Цевница юношей богословствует всех Бога и Вседержителя, тем в пещи ясно Явльшагося, и песнь воспеваху глаголюще: благословен Бог отец наших.

Три в пещь вверженныя видев Царь, яко узре четвертаго вид, Сына пронарече Божия, и всем возопи: благословен Бог отец наших.

Богородичен: Имея просвещен Божественною зарею ум, Данииле богоблаженне, Девы Рождество яве предвидел еси, таинственными образы образуемо: благословен, вопия, Бог отец наших.

Ин.

Ирмос: Отроки благочестию совоспитани, / злочестиваго веления небрегше, / огненнаго прещения не убояшася, / но посреде пламене стояще, пояху: / отцев Боже, благословен еси.

Да воспоется Анания, Азария, Мисаил с Даниилом, пещь угасивше огненную, и львов обуздавше стремления, и Христу согласно поюще: отцев Боже, благословен еси.

Законно пострадав в напастех, и неослабных скорбех, угодник наречеся Иов Божий, всеистиннейший, кроток, незлобив, прав, совершен, непорочен, вопия: отцев Боже, благословен еси.

Верю Моисея, Аарона же, и Ора почтим, восхваляюще Иисуса, и Левию священнейшаго, Гедеона же и Сампсона, и зываем: отцев Боже, благословен еси.

Богородичен: Се якоже прорече пророк, во чреве зача Неискусобрачная Бога, и родити яве идет в вертепе Вифлеемле. Емуже вси поем: отцев Боже, благословен еси.

Катавасия: Отроки благочестию совоспитани, / злочестиваго веления небрегше, / огненнаго прещения не убояшася, / но посреде пламене стояще, пояху: / отцев Боже, благословен еси.

Песнь 8.

Ирмос: Авраамово благородие сохранить тщася, / свойственное к нему стяжасте основание веры, / и надежды преподобнии, / терпение и напастем пождание, вопиюще: / благословите священницы Владыку, / людие превозносите Его во веки.

Яко светила просиявше, и землю онебесивше, и благочестия просвещением осиявшеся, всемирное составляше ликостояние, поют от напастей спасшему Владыце: отроцы благословите, священницы воспойте, людие превозносите во вся веки.

Юношески погасивше распалимую печь, и львов челюсти заградше, Давидовы внуцы ныне радуящася поют Тя Благодетеля Царя всех: отроцы благословите, священницы воспойте, людие превозносите во вся веки.

Богородичен: Тайнонаучает, Пречистая, Даниил мудрейший, и предживописуют отроцы трие Рождество Твое богомудреннии, образы зряще из утробы Твоея Прошедшаго несказанно. Егоже дети благословят, священницы воспевают, людие превозносят во вся веки.

Ин.

Ирмос: Чуда преестественнаго / росодательная изобрази печь образ: / не бо, яже прият, палит юныя, / яко ниже огонь Божества Девы, / в Нюже вниде утробу. / тем воспевающе воспоем: / да благословит тварь вся Господа, / и превозносит во вся веки.

Днесь сущих от века божественную память совершаем честных отец, Адама, Авеля же, Сифа, и Ноа, и Еноса, и Еноха, и Авраама, Мелхиседека, и Иова, Исаака, и вернаго Иакова. Да благословит тварь, вопиющи, Господа, и превозносит во вся веки.

Полк Богокрасный Божественных отец да восхвалим, Варака, и Нафана, и Елеазара, Иосию, и Давида, Иеффая, Самуила же, предняя зряща честне, и зывающа: да благословит тварь вся Господа, и превозносит Его во веки.

Похвалу песнопесенно да принесем Божиим пророком, восхваляюще Иосию, и Михеа, Софониа, и Аввакума: Захарию, и Иону: Аггеа же и Аммоса, и со Авдием Малахиа, и Наума: Исаию, и Иеремию и Иезекииля: купно Даниила, Илию и Елиссеа.

Глаголы троическими Всесвятую воспоим, вернии, Троицу, Отца Безначального, Сына же, и Праваго Духа Святаго, Единицу Триипостасную, Юже всякое дыхание славит, зовуще: да благословит тварь вся Господа, и превозносит во вся веки.

Богородичен: Явился еси от Девственных, Христе, кровей воплощаемь неизреченным словом, и яко Младенец совершен в вертепе, премножеством благоутробия, Иисусе, раждаея, звезда же Тя издалеча возвести звездословцем, пойте верою зовущим, и превозносите Христа во веки.

Катавасия: Чуда преестественнаго / росодательная изобрази пещь образ: / не бо, яже прият, палит юныя, / яко ниже огонь Божества Девы, / в Нюже вниде утробу. / тем воспевающе воспоем: / да благословит тварь вся Господа, / и превозносит во вся веки.

Песнь 9.

Ирмос: Достигосте кончину желаемую, / и желаний крайнейшему предстоите / в Небесных чертозах, / отроцы всебогатии.

Радующеся рукоятие еже от слез, добраго вашего земледелания приясте, нетления клас плодоносивше.

Возсия светлость ныне вам достойно, и веселие сердца процвете: отонудуже бо отбеже печаль, вселистесея.

Богородичен: Пажить смертную уставила еси, Дево, Жизнодавца рождши и Господа, животворящаго верою величающыя Тя.

Ин.

Ирмос: Таинство странное вижу и преславное: / небо, вертеп: / престол херувимский, Деву: / ясли, вместилище, / в нихже возлеже / Невместимый Христос Бог, / Егоже воспевающе величаем.

Крепостию Твоею древле силы сотвориша Дщери Господи, Анна, и Иудиф, и Девора, Олда, Иаиль же, Есфирь, Сарра, Мариам же Моисеева, Рахиль и Ревекка, и Руфь, велемудрыя.

Яко угасившыя отроки святыя пещь священно почтим, купно с Даниилом пророком, и всеми праведными яве, прежде закона облиставшими добре, и в законе Владыце угодившими.

Премудрии Божественнии пророцы бывше Авраамовы внуцы, еже от Авраама и Иуды рождаея Слово Божие провозвестиша духом. Тех мольбами, Иисусе, вся ущедри.

Освятися вся тварь памятию вашею, и торжествующи зовет рабски вопиющи: мольбу Господу присно принесите, блаженнии, улучшить вечных благ благохвляющим вас.

Богородичен: Облекийся в мя от Девы предгрядет, и в вертепе рождается Слово Отчее неслитно. Ликуй тварь гласы благодарственными величаючи Того еже за милосердие всесвятое снизшествие.

Катавасия: Таинство странное вижу и преславное: / небо, вертеп: / престол херувимский, Деву: / ясли, вместилище, / в нихже возлеже / Невместимый Христос Бог, / Егоже воспевающе величаем.

Екзапостиларий воскресен.

Слава, праотцев:

Подобен: Жены услышите:

Адама восхвалим, Авеля, Сифа, и Еноса: Еноха, и Ноа: Авраама, Исаака и Иакова: Моисея, Иова, и Аарона: Елеазара, и Иисуса: Варака, Сампсона, и Иеффая: Давида, и Соломона.

И ныне, Богородичен:

Солнце великое, Создатель от Неискусомужныя Девы, Яже от Адама просветити в Вифлееме тщится. темже возвещает чудо праотец всесветлейшая память.

На хвалитех стихиры воскресны, на 4: и святых праотцев, 4.

Глас 2.

Подобен: ДOME Евфрафов:

Вси честных ныне / праотцев память совершаем, / поюще богоугодное сих житие / егоже ради возвеличишася. **[Дважды]**

Стих: Благословен еси, Господи Боже отец наших, * и хвално и прославлено Имя Твое во веки.

Угасиша силу отроцы огненную, / ликующе посреде пещи, / и поюще Бога Всесильнаго.

Стих: Яко праведен еси о всех, * яже сотворил еси нам.

В рове заключен, / зверем сообитатель, / Даниил пророк, / непричастен сих показася озлобления.

Слава, глас 7. Германово.

Приидите вси верно торжествуим, / прежде закона отец, Авраама / и сущих с ним, летнюю память, / Иудово племя достойно почтим, / иже в Вавилоне отроки угасившыя пещный пламень, / яко Троицы образ, / с Даниилом восхвалим, / пророческая проречения известно держаще, / со Исаием велегласно возопиим: / се Дева во чреве приимет, / и родит сына Еммануила, Иже есть с нами Бог.

И ныне:

Преблагословенна еси, Богородице Дево:

Славословие великое. Ектении, и отпуст.

И стихира евангельская. Час 1. И конечный отпуст.

НА ЛИТУРГИИ:

Блаженна, октоиха, на 6: праотцев песнь 3_я, на 4.

1. Поется в міре Сифово к Зиждителю разжжение: ибо в непорочнем жителстве и душевней любви, Тому истинно угоди: и ныне во стране живых вопиет: свят еси, Господи.
2. Усты и языком и сердцем Енос чудный, призвати богомудренно Владыку всех и Бога, надеяшеса в Дусе: и благоугодно пожив на земли, славу восприят.
3. Священнословию священными Еноха ублажим, благоугодив бо Господу преставися в славе, явився лучши смерти, якоже писася: имже Божий быв раб искреннейший.
4. Хвалу принесем Богу, чтуще песньми Ноя, воистинну суща праведнаго: во всех бо заповедех Божественных украшаемъ явися, Христу благоугодив. Емуже песнопоем вернии: слава силе Твоей, Господи.
5. Видев твое Бог благородное нрава, и простое, и по всему Ноя совершенна, втораго міра яве началовожда тя показывает, спасшаго тому всякаго рода, от потопа чувственнаго семя, якоже Сам повеле.
6. Ноя сохраняшаго Божий закон невредимъ, и обретшася тогда праведна в роде своем, и древяным спасша древле ковчегом безсловесных роды, повелением Вседетельным, песньми благочестно ублажим.

По входе тропарь воскресен, и праотцев:

Слава, и ныне, кондак праотцев.

Прокимен, песнь отцев, глас 4:

Прокимен: Благословен еси, Господи Боже отец наших, * и хвально и прославлено имя Твое во веки:

Стих: Яко праведен еси о всех, яже сотворил еси нам.

Апостол праотцев к колоссаем, зачало 257.

Брѣтїе: егда же хрѣтосъ ѡбѣтсѧ, живѣтъ вѣшъ, тогда и вы съ нимъ ѡбѣтсѧ въ славу. **оу** мертвѣте оубо оуды вѣшѧ, ѡже на земли: блѣдъ, нечистотѣ, стрѣсть, похоть злѣю и лихонимїе, еже естъ идолослуженїе, иже ради грядѣтъ гнѣвъ вѣи на сыны противленїа. въ нихже и вы иногда ходите, егда живѣте въ нихъ. **нѣ** же ѡложите и вы тѣ всѧ: гнѣвъ, ѡрость, слѣвъ, хлѣнїе, срамослѣвіе ѡ оустъ вѣшихъ: не лжите дрѣгъ на дрѣга, совлѣкшесѧ вѣтхѧгѡ челоуѣка съ дѣлїями егѡ и ѡвлѣкшесѧ въ нѡваго, ѡбновляемаго въ раздѣмъ по ѡбразѣ

созда́вшашаго єго, и́дѣже нѣсть єллинъ, ни іудей, ѡбрѣзаніе и неѡбрѣзаніе, варваръ и скѣѣтъ, рабъ и свободъ, но всѣческаѣ и во всѣхъ хрѣтосъ.

Аллилуа, глас 4: Моисей и Аарон во иереех его, и Самуил в призывающих Имя Его.

Евангелие Луки, зачало 76.

Господъ рече: человекъ нѣкій сотвори вѣчерю велию и зва мнози: и посла раба своего въ годъ вѣчери рещи званымъ: градите, ѡкоуже готова сѣть всѣ. **И** начаша вкѣпѣ ѡрицѣтисѣ всѣ. **П**ервый рече ємѣ: селѣ кѣпихъ и ѡмамъ нѣждѣ изыти и видѣти є: молютисѣ, ѡмѣи мѣ ѡречена. **И** дрѣгий рече: сѣпрѣгъ волѣвъ кѣпихъ пѣтъ и градѣ искѣсити ѡхъ: молю тѣ, ѡмѣи мѣ ѡречена. **И** дрѣгий рече: женѣ поѣхъ и сегѣ рѣди не могѣ прѣити. **И** пришѣдъ рабъ той повѣда господиѣ своемѣ сѣѣ. **Т**огда разгѣвався дѣмѣ владыка, рече рабѣ своемѣ: изыди скорѣ на распѣтѣи и стѣгны града, и ницыѣ и вѣдныѣ и слѣпыѣ и хрѣмыѣ введи сѣмѣ. **И** рече рабъ: гѣсподи, выстѣ ѡкоже повелѣлъ єси, и єще мѣсто єсть. **И** рече господиѣ къ рабѣ: изыди на пѣти и халдѣи, и ѡвѣди внѣти, да напоѣнитсѣ дѣмѣ мѣи: глаголю во вамъ, ѡкоже ни єдинъ мѣжѣи тѣхъ званыхъ вкѣситъ моеѣ вѣчери: мнози бо сѣтъ звѣни, мѣѣ же изверѣнныхъ.

Причастен: Хвалите Господа с небес:

Другий: Радуйтесь, праведнии, о Господе: